



ANUNCIO DO TRIBUNAL CUALIFICADOR DAS PROBAS SELECTIVAS

SEGUNDO EXERCICIO: PROBA DE COÑECEMENTOS (ALEGACIÓNS)
Praza/s: Auxiliar Administrativo de administración xeral

Prazas núm.: 1

Plan/Programa/Convenio/Orde: Plan de emprego xalleiro (PEXAL)

Fase: oposición, quenda libre

Asunto: a resolución da alegacións/recurso do segundo exercicio/proba

O tribunal cualificador publica, en síntese, a resolución dos escritos de alegación/impugnación/recursos da puntuación do **segundo exercicio, proba de coñecementos**.

Escrito alegación/impugnación/recurso á corrección dunha pregunta do segundo exercicio (RE 2022999000001089 do 13/06/2022. Persoa aspirante NIF.: ***5112**).

FEITOS:

1.- O 7/06/2022, se realizou o segundo exercicio, *proba de coñecementos*, tipo test, correspondente á oferta dunha praza de auxiliar administrativo de administración xeral, persoal laboral temporal.

2.- O 12/06/2022 foi publicado no Taboleiro de Anuncios da Sede Electrónica do Concello de Santa Comba a cualificación do segundo exercicio referente á proba de avaliación do coñecementos para os efectos de dar trámite de audiencia ao persoal interesado.

No anuncio se establece un prazo de dous días hábiles para presentar alegacións (13 e 14/06/2022).

3.- Que, durante o prazo mencionado se formularon estas alegacións/recursos/reclamación:

Persoa aspirante	DNI/NIF	Rexistro de Entrada (RE)	Solicitud
Lema Amado, Noelia María	***5112**	2022999000001089 33/06/2022	Revisión da pregunta 12

Pregunta núm. 12

No artigo 153 do RDL 2/2004, do 5 de marzo, polo que se aproba o texto refundido da Ley Reguladora das Facendas Locales, enuméranse os recursos concretos: recargo sobre o imposto de bens inmobles (opcion a) e subvencións (opcion c), e no artigo 152 da citada lei, fálase dos recursos das áreas metropolitanas, entre outras, nomeando as taxas (opcion b) e os prezos públicos (opcion d) Co cal, entendo que todas as respostas son correctas.

1.- Impugnación/alegacións pregunta núm.: 12

Logo de deliberar os membros do tribunal e no exercicio da súa discrecionalidade técnica, de ser o caso.

Logo de revisar os traballos preliminares e cada unha das preguntas e respostas impugnadas no recurso/reclamación/alegación, resulta que:

Pregunta núm. 12

12. Cal do seguintes non pode constituír un recurso para unha área metropolitana?

- a) O recargo sobre o imposto de bens inmobles
- b) As taxas
- c) As subvencións
- d) Os prezos públicos

Compróbase que todas as respostas son correctas.



Consideracións legais e técnicas

- O artigo 153 do Real decreto legislativo 2/2004, do 5 de marzo, polo que se aproba o texto refundido das Lei reguladora das facendas locais, (en diante TRLRFL), (BOE núm. 59 do 09/03/2004), establece os recursos das áreas metropolitanas que poderán contar cos recursos: recargo sobre o IBI e as subvencións de carácter finalista.

- O artigo 152 do TRLRFL, ingresos tributarios, sinala que as áreas metropolitanas, entre outros entidades supramunicipais, poderán establecer e esixir taxas e prezos públicos.

- A Base 8 que rexe neste proceso selectivo sinala:

b) Segundo exercicio. Proba de coñecementos.

De carácter obrigatorio e eliminatorio.

Este exercicio estará orientado a comprobar os coñecementos teóricos persoal aspirante nas materias comúns e específicas.

Consistirá en contestar por escrito a un cuestionario de 40 preguntas con catro respostas alternativas cada unha, das cales só unha é a verdadeira, máis cinco preguntas de reserva, ante posibles anulacións, de contestación tamén obrigatoria.

Neste suposto, a pregunta anulada do exame inicial terase por non formulada e será substituída pola primeira pregunta de reserva, e así sucesivamente no caso de que houbera máis dunha anulación.

De acordo con todo o indicado, o Tribunal Cualificador, por unanimidade, ACORDA:

a) Estimar o recurso/reclamación/alegación a esta pregunta.

Motivo: todas as preguntas son correctas e só unha pode ser a verdadeira

b) Anular esta pregunta do exame inicial que se terá por non formulada.

c) Ao anularse esta pregunta, que non se terá en conta para a cualificación final, ocupará o seu lugar a pregunta de reserva núm. 42 (R2). Así mesmo, revisarase a cualificación final coa entrada desta pregunta reserva.

Outro acordo

O Tribunal Cualificador, por unanimidade, acordou continuar co proceso selectivo.

Recursos

Contra esta resolución, que non pon fin á vía administrativa, poderase interpoñer recurso de alzada ante a Sra. alcaldesa do Concello de Santa Comba, no prazo dun mes contado a partir do día seguinte ao da notificación, todo iso de conformidade co disposto nos artigos 121 e seguinte da Lei 39/2015, do 1 de outubro, do procedemento administrativo común das administracións públicas.

Lugares de presentación do recurso de alzada:

- Presencial: na Praza do Concello, 1. 15841 Santa Comba, A Coruña.
- Na sede electrónica municipal (<https://sede.santacomba.es/opencms/es/>)
- Nos rexistros físicos de calquera órgano da administración xeral do Estado, de órganos das administracións das comunidades autónomas e de entidades que integran a administración local.
- No rexistro electrónico de calquera órgano administrativo que pertenza á administración xeral do Estado, ás administracións das comunidades autónomas, ás entidades que integran a administración local ou ao sector público institucional
- Nas representacións diplomáticas ou oficinas consulares de España no estranxeiro.
- Nas oficinas de asistencia
- Nas oficinas de Correos.

Santa Comba, 14 de xuño de 2022

O presidente do tribunal

Evaristo Lois Rama

(Documento que se asina electronicamente)